

全立杜賣盡根田契人詹澄添詹澄芳詹澄淵詹澄垣詹澄鰲姪承基有承祖父明買過水田壹段址在燕霧保小三角潭庄后北勢洋連厝地壹所又魚池貳口經丈明水田貳甲陸分正年科納業主課租粟貳拾石零捌斗正併帶水份通流灌溉東至詹家蘇家田西至圳南至圳北至圳又至胡家田又厝地東至陳家詹家宅西至陳家宅南至圳北至路四至界址俱至明白今因欲銀別創費用願將此田厝地魚池一應出賣先問房親叔兄弟姪人等俱不欲承受外托中引就送與蘇裕華賴陣全來出首承買全中三面議定時值根價銀玖佰貳拾伍員正其銀即日憑中交收足訖其田厝地魚池隨即踏明界址付買主起耕招佃收租納課掌管為業一賣千休如斷葛藤日後永不取異言找洗取贖之理保此係添兄弟姪承祖父物業與別房人等無干亦無重張典掛他人財業併無拖欠業主課租粟以及上手交加不明等情如有此係添兄弟姪一力抵當不干買主之事此係二比甘愿各無反悔恐口無憑全立杜賣盡根田契一紙連上手司單印契一紙共貳紙付執為炤

即日全中親收過盡根契內銀壹仟壹佰大員正完足再炤

為中人堂兄 阿元（花押）

高阿古（花押）

知見人堂叔 鎮江（花押）

堂兄 新業（花押）

母親 蕭氏（花押）

執筆人 承基（花押）

道光拾伍年拾月 日



全立杜賣盡根田契人

詹澄添（花押）

詹澄芳（花押）

詹澄淵（花押）

詹澄垣（花押）

詹澄鰲（花押）

詹承基（花押）

姪

批明此契內賴陣抽出田壹甲參分又魚池壹口在東畔批炤